



A BETTER LIFE FOR ALL

**ASENZE OKUNENGI,
NGOKUBAMBISANA.**

VOTELA I-ANC

Issued by the African National Congress,
ANC Headquarters,
54 Pixley Ka Isaka Seme Street,
Johannesburg, 2001,
+27 11 376 1000,
www.anc1912.org.za

© ANC 2024



African National Congress



ANC



ANC 2024 ELECTIONS MANIFESTO

MASENZENI OKUNINGI, NGOKUBAMBISANA. IMPILO ENGCONO KUWONKE-WONKE

UKhetho luka-2024 lwenzeka ngesikhathi sigubha iminyaka engamashumi amathathu sithole inkululeko nokubusa ngentando yeningi. Sekuyiminyaka engamashumi amathathu yokubusa kwentando yeningi suthi sinomthethosisekelo esisebenza ngawo, ukuthukulula amaketango obandlululo, kanye nokwakha umphakathi ophile kahle nowentando yeningi, noqinisekisa impilo engcono kuwonke-wonke.

Ngokubambisana nemiphakathi, izinhlangano zomphakathi, izinhlangano zezenkolo, izinhlangano zentsha nezabesifazane, abasunguli, i-LGTBIQIA+, abaholi bendabuko, abantu abakhubazekile, ongqondongqondo, abantu abadala, namabhizinisi, sakhe umbono ofanayo weNingizimu Afrika ebumbene, engacwasi ngokwebala, engabandlululi ngobulili nenabantu abanempumelelo, ngendlela engakhethi abathile, kodwa engabavaleli abanye ngaphandle.

I-ANC Manifesto, igxile kulokho esikuzuzile kuleminyaka engamashumi amathathu eyedlule, kubalwa ekwakhiweni komphakathi ongacwasi ngokwebala, ngobulili, ekuhlonipheni amalungelo abo bonke abantu, nokuhlangabezana nezidingo ezibalulekile. Kuningi esikuzuzile, ukuqinisekisa ngokuthi imfundo ifinyelela emhlabeni wonke, amanzi nokuthuthwa kwendle, ezempilo, ukwakhiwa kwezindlu, ukuxhumana, nokuthi kufanele senze okunye okuningi, ukuze lokhu kuzosebenza kangcono futhi kufinyelele kuwonke-wonke.

Kungenxa yalesi sizathu ukuthi, ngemuva kweminyaka engamashumi amathathu siguqokile sangena embusweni wentando yeningi, sifune ukuba negunya lokuqhubekisela phambili lo mgomo ofanayo wenguquko. Umqulu we-ANC usibophezela ukutheni sizibeke eqhulwini lezi zihloko ezilandelayo, ezibalulekile kakhulu ekutheni sifinyelele empilweni engcono ka wonke-wonke:



SINOHLELO LOKUTHOLELA ABANTU BASENINGIZIMU AFRIKHA IMISEBENZI

Ngokudala amathuba emisebenzi ayizigidi ezingu-2.5, ukuze sihlangebezane nezidingo eziyisisekelo, ezibala izinhlelo zentsha kazwelonke, ukudala amathuba emisebenzi kulabo asebethwesha iziqu kodwa abangawutholi umsebenzi, kanye nokweseka imiphakathi; ukusebenzisana nezinkampani ezizimele ukuze kudaleke amathuba emisebenzi, nokutshala izimali emabhizinisini amancane, kwimifelandawonye yezinkampani, emabhizinisini asemalokishini nasezindaweni zasemakhaya, ukuze kudaleke amanye futhi amathuba emisebenzi ayisigidi. Sizolokhu siqhubekile nokuphushela ukuthi kube khona ukulingana kuyona yonke imikhakha yezemisebenzi namakhono, ezinhlakeni ezizimele nalezo ezingaphansi kukahulumeni.



UKWAKHIWA KWEZIMBONI UKUZE UMNOTHO UFINELELE KUWONKE-WONKE

Ukuze kukhuliswe futhi kusatshalaliswe umnoto, sizogxila ekwesekeni izimbongi ezisebucayini nezidinga abasebenzi abaningi, njengokuhlomula ngezimbiwa phansi, ezokuvakasha, iminotno efukulwa yisimo sendawo nezaselezanini, umkhakha wobuciko bokusungula izinto nokunye; ngalokho sizolikhuphula izinga lokuthumela impahla kwamanye amazwe omhlaba nakwamanye amazwe aseAfrika, nakwezinye izimakethe ezintsha, futhi siguqule umnoto. Sizophinde siqinise izimbongi ezibalulekile njengezimayini, ezensimbi, ukugaywa kwezolimo, ukukhiqizwa nokwakhiwa kwezimoto, izingubo zokugqoka nezindwangu, amakhemikhali nokunye okuningi.

Sizolungisa izingqinamba zezingqalazizinda ezinjengo gesi, amanzi, ezokuthutha kanye nempahla eseqoka ekuthuthukisweni komnoto nokwandisa izingqalazizinda zezempilo, imfundo nezingqalazizinda zomphakathi,

Sizokwandisa uhlelo lwezimbongi zabamnyama, ukuze seseke izinkampani eziyizinkulungwane ezimbili; umhlaba uguqulwe ngokushesha kanye nokuvikeleka kwezindawo zokuhlala, sibuye seseke namabhizinisi amancane nemifelandawonye yabesifazane, intsha kanye nabantu abakhubazekile. Kuzokwenyuswa ukuthunyelwa kwempahla emazweni omhlaba nasezimakethe zomhlaba ngohlelo lwe-African Continental Free Trade Area (AfCFTA), i-BRICS Plus, nokuqinisa ubudlelwano bokuhwebelana namazwe-ngamazwe, okuzohambelana nenqubomgomo kahulumeni, kwenziwe izinguquko emkhakheni wezezimali, ukuze sikwazi ukuhlangabezana nezidingo eziyisisekelo, futhi kwesekwe ukusungulwa kwamathuba emisebenzi nokuthuthukiswa kwezimbongi.



UKUBHEKANA NEZINDLEKO EZIPHEZULU ZOKUPHILA

Ukuze abasebenzayo bazikhone izindleko zokuphila zansuku zonke, abangasebenzi, amakhaya aphelele ngabesifazane kanye nabantu nje abaphakathi nendawo ngokwezimali, sizokwenza okuthe xaxa ukubhekana nezidingo ezibalulekile ezifana nokudla, izindlu, ukunakekelwa kwezempilo, ugesi, amanzi, ezokuthutha namaholo. Kulonyaka ozayo, sizokubeka eqhulwini ukuqinisekisa ngokuthi ukudla kuphephile, sisuse i-VAT ezintweni ezidingeka kakhulu, sisheshise ukuhllelwa kabusha komhlaba, seseke izingadi zomphakathi/ nezaseemakhaya abantu, futhi sikumise ukwenyuswa kwamanani ezintweni eziyizingidingo eziyisisekelo.

Sizozhubeka nokwandisa izinsiza eziyisisekelo, ezixhaswa uhulumeni, njenga manzi, izindlu zabampofu, kanye nezinqubomgomo zabampofu komasipala, sikhuthaze ukusetshenzisa kwamandla e-solar eshibhile nexhaswa nguhulumeni, siqinise izinhlelo zezempilo bese sisebenzisa i-National Health Insurance (i-NHI), ukuze ukunakekelwa kwezempilo kube seqophelweni eliphezulu futhi kungabizi kubantu bonke. Njengoba sekucacile ukuthi abafundi banenkinga yokushodelwa yimali, amanani okukhokhela izindawo zokuhlala abafundi azolawula, bese kwakhiwa ezinye izindawo eziningi.

Ukuze kungabibikho esibashiya ngemuva, sizokuqinisa ukweseka abantu ngemali yesibonelelo sikahulumeni esivele sikhona, sisebenzise izibonelelo zosizo Lwezenhlalakahle (i-SRD) ukuze sifinyelele ekutholeni uxhaso oluyisisekelo, oluyimali engenayo, futhi siqinisekise ngokuthi siyalikhuphula lholo okuthiwa yilona eliba ngeliphansi Ezweni Lonke, sifuna ukuthi lihambisane nokwehla kwamandla emali.



TSHALA KUBANTU FUTHI UHLANGABEZANE NEZIDINGO EZIYISISEKELO

Sizokwenza kangcono ekuthuthukiseni izinga lemfundo, lezempilo futhi zizenze ngcono nezinye izinsiza zomphakathi, senze nokuthi zisebenzisane zonke izinhlelo zikahulumeni, ukuze kuqinisekise ngokuthi izinhlelo zethulwa kangcono.

Ohulumeni bezifunda Nokazwelonke, bazonikezwa amandla okweseka nokungenelela kulabo masipala abadonsa nzima, ukuze bakwazi ukuhlinzeka izinhlelo ezidingekayo emiphakathini, futhi basize ngokuhlinzeka ngamanzi ahlanzekile, babuye bayinakekele kahle ingqalasizinda yamanzi. Njengo hulumeni, sizolithuthukisa izinga lokuphatha nelokwethulwa kwezinhlelo emiphakathini, siyiqede nya inkohlakalo, futhi sisebenzisane nemiphakathi ukuletha izidingongqangi nezinhlelo ezisezingeni eliphezulu nezethembekile.

Sizozikhuphula izimali zesibonelelo, uxhaso olungakhokhelwa lwezindlu, ezokuthutha, amanzi, ukuthuthwa kwendle, ugesi, nezokuxhumana, bese sitshala ngendlela ezolingana namandla abantu abanawo, kulokhu kubalwa imfundo nokuqeqeshwa, nokuthi kube lula ukuthola usizo lwezempilo..

Sizoyiqinisa futhi siyixhase indima edlalwa yimindeneni ngokondla abayizakhamizi ezisencane nalabo asebebadala, ngokunakekela kakhulu ukuthi izingane zikhuliswa kahle. Sizophinde siqinise izinga lokwethulwa kwezinhlelo ezincomekayo kubantu abadala, kubalwa namakhaya asemiphakathini yethu okugcinwa kuyo nokunakekela kuyo abadala, bese sikhuthaza ukuphathwa kahle nokuhlonishwa kwabadala.



VIKELA UKUBUSA KWENTANDO YENINGI NOKUTHUTHUKISA INKULULEKO

Sizokukhuthaza futhi siwavikele onke amalungelo okulwisana nokucwasana ngokwebala, ngobulili, udlame oluphathelele nobulili, ukuzonda labo abathandana benobulili obufanayo, ukucwasana nokungabezelelani; ukuthuthukisa amalungelo nesithunzi sezingane, intsha, abantu abadala, abantu abakhubazekile kanye namalungu omphakathi we-LGBTQI; bese siqhubeka nokulwela inkululeko yabesifazane futhi sibe ngumphakathi ongacwasani nhlobo ngobulili.

Ukuze siqinise ukulwisana nobugebengu kanye nokuphepha emiphakathini yethu, sizothatha izinyathelo ezingqala okulwisana nezidakamizwa, ubugebengu obuhleliwe, udlame oluphathelele nobulili nokubulawa kwabesifazane, ukuntshontshwa nokucekelwa phansi kwezingqalasizinda, amaqembu emigulukudu nezigelekeqe.

Inkohlakalo ithunaza ukwethenjwa kwezakhamizi kanye nentuthuko yezwe lethu nemiphakathi yethu. Ngakho-ke sizozhubeka nokulwisana nenkohlakalo, sithuthukise ukuziphendulela kukahulumeni, sizokwenza uphenyo olunzulu bese sisebenzisa izindlela ezidephile zokushushisa, futhi siqinisekise ngokuthi abenzi bokubi bayavuna ngokwenza imisebenzi yabo yenkohlakalo emiphakathini nasezinkampanini ezizimele.

Silulungisa kabusha uhlelo lokufudukela kwamanye amazwe, ukuze sikwazi ukulwisana nenkinga yokuthi abantu belokhu beya kwamanye amazwe ngokungekho emthethweni, ngokwenza ukuthi kube lula ukufaka isicelo se visa, ngokwethula umthetho owodwa wokuphuma kuleli, nokungena kuleli nokufuduka.

Ukuqinisekisa ngokusetshenziswa kwalokhu ukuzibophezela kwethu, ukuze kwakheke umbuso onamandla nothuthukayo, ukuqinisa izindlela zokuxhumana kuwona wonke amazanga kahulumeni nabantu, sakhe izinhlelo zomphakathi ezisebenza ngokusezingeni eliphezulu nezinezithelo zempumelelo, nezilandela izimiso ze-Batho Pele, kanye nokuqinisa ukubusa ngokubambisana ngokulandela izimiso ze-District Development Model.

Kuzovuselelwa umsebenzi owenziwe ngabezamaciko, ezamagugu, ulimi, amasiko, ezemidlalo nabomkhakha wongqondongqondo abazokwakha isizwe, ngokubambisana komphakathi nokuthuthukiswa kwezwe.



KWAKHIWA I-AFRIKA ENGCONO NOMHLABA ONGCONO

I Ningizimu Afrika izoqhubeka nokweseka intuthuko nokuthula ezwenikazi lethu nasemhlabeni jikelele, sizozinisa ezohwebo nokutshalwa kwezimali namanye amazwe, futhi sisebenzele ukuvuselela ubudlelwano nobumbano nohulumeni bamanye amazwe, sithuthukise ubumbano, kube khona ukusebenzisana namanye, bese kwakheka ukuthula nobungani kuzona zonke izizwe.

MASENZE OKUNINGI, NGOKUBAMBISANA

I-Manifesto yethu ibophezela i-ANC, eminyakeni emihlanu ezayo, ukuthi ilungise amaphutha ayo namalungu ayo ngokushesha nakangcono.

I-ANC izibophezele ekuthuthukiseni llokho noma lakho ebona kunesidingo khona, , nokulungisa amaphutha abaholi bayo namalungu ayo. Lokhu kuyingxeny yokuza lwa kwethu kabusha..

Ukusebenzisana nazo zonke izinhlelo zemiphakathi yethu, sibumbene ngokwehlukahlukana kwethu, singenza lukhulu ekwakhiweni kwempilo engcono kubona bonke abaseNingizimu Afrika.

VOTELA I-ANC

29 MAY '24

African National Congress



ANC



MYANC PLEDGE ELECTIONS INITIATIVE



A BETTER LIFE FOR ALL

TO PLEDGE



SCAN ME

OR GO TO

www.anc1912.org.za/pledge

OR

SMS "ANC" TO

37057

to PLEDGE R10

44892

to PLEDGE R20

42053

to PLEDGE R30

PLEDGE FOR A
DECISIVE VICTORY
AND A BETTER
LIFE FOR ALL!